

Ղուկաս Կեղեցիի մէկ ուրիշ աշակերտը՝ Պետրոս վրդ. Կարկառեցի (երբեմն առաջնորդ Հալէպի և յետոյ հակաթոռ կաթ. Կիլիկիոյ 1601–1608 փետր. 24 ✱) Կիլիկիոյ շրջանակին մէջ ջանադիր եղաւ վարդապետարան մը հաստատելու և իրապէս հասցուց բազմաթիւ աշակերտներ (Տօքթ. Վահրամ Յ. Թորգոմեան, Արաբոլոյ Պարոն-Քիւն 1913, էջ 354), ինչպէս իրեն ժամանակակից Կիլիկիոյ օրինաւոր կաթողիկոսը՝ Յովհաննէս Այնթապցին (1601–1627) որ նոյնպէս Տաթևու գաւազանէն էր: Յիշատակարան մը կ'աւանդէ թէ Պետրոս Կարկառեցի և ուրիշ վարդապետներ, Կիլիկիոյ այլևայլ քաղաքներուն մէջ տարածուելով Սիսի աթոռին անդին զարդուց և կահից առիթ են եղած, մանաւանդ անգին մատենից և գրեանց (Հ. Տաշեան, Մայր Յոյակ, էջ 359):

Նոյնպէս ժամանակակից յիշատակարաններ ցոյց կուտան թէ ԺԶ. դարուն վերջերը կային տակաւին ուրիշ վանքեր, ուր կը դասախօսէին անուանի վարդապետներ: Այսպէս Վարազայ վանքին մէջ կը յիշուի «սարեգիր» Բարսեղ վրդ. Աւանցի, որ էր քեռորդի և աշակերտ անուանի «Զաղալ» Կարապետ վրդ. Արարքցիի (ՀԱ. 1910, էջ 65–79):

Նոյնպէս Կ. Պոլսոյ մէջ նախաքայլեր կ'առնուէին: Յիշատակարան մը կը վկայէ